



www.breaksnorthwales.co.uk



www.adventure-northwales.com



www.golf-northwales.co.uk



www.walkingnorthwales.co.uk



www.moviemapnorthwales.co.uk



www.eventsnorthwales.co.uk



www.gardensnorthwales.co.uk



www.attractionsnorthwales.co.uk



www.walledtowns.co.uk



www.giantsnorthwales.co.uk

egroeso

bwletin electronig gan
Bartneriaeth Twristiaeth Gogledd Cymru

Cerddwyr yn croesawu
technoleg ffonau symudol

01745 589020

Cerddwyr yn croesawu technoleg ffonau symudol

Mae penaethiaid twristiaeth yn defnyddio technoleg ffonau symudol i ddarparu llyfrau tywys rhithwir i gerddwyr yng Ngogledd Cymru.

Clywodd cynrychiolwyr mewn fforwm arbennig a drefnwyd gan Bartneriaeth Twristiaeth Gogledd Cymru y gallai'r eLwybrau, fel y'u gelwir, helpu i greu llwybr tuag at ffyniant i'r rhanbarth.

Mae'r Bartneriaeth Twristiaeth yn cyfrannu £25,000 i'w hymgyrch Cerdded Gogledd Cymru ac mae disgwyl y bydd yn cynhyrchu deg gwaith yn fwy na hynny o wariant gan ymwelwyr.

Maen nhw'n credu bod potensial aruthrol

i'r farchnad. Mae cerdded dair gwaith yn fwy poblogaidd na nofio, ei gystadleuydd agosaf o ran gweithgareddau corfforol, ac mae 44.5 y cant o oedolion yn mwynhau cerdded mwy na dwy filltir yn rheolaidd.

Cynhaliwyd y fforwm yng Nghanolfan Glasdir, Llanrwst, ac un o'r prif siaradwyr oedd Peter Hewlett, o Cerdded Gogledd Cymru.

Meddai Mr Hewlett: "Mae yna lawer iawn yn digwydd yn cynnwys y gwaith sy'n mynd rhagddo ar Lwybr Arfordir Cymru.

"Rydym yn trefnu gwyliau cerdded newydd

a chyffrous ac yn croesawu a datblygu'r gamp gymharol newydd o Gerdded Llychlynniaidd, sy'n cynyddu mewn poblogrwydd.

"Ond mae yna lawer o feysydd gweithgarwch eraill yn cynnwys cyflwyno'r eLwybrau newydd sy'n golygu mai'r cyfan sydd ei angen ar gerddwr yw ffôn symudol er mwyn cael gafael ar wybodaeth am dirnodau a nodweddion daearyddol wrth iddo fynd ar hyd llwybr arbennig.

"Rwy'n credu ein bod yn ennill y frwydr ond rhaid i ni ddal i ddefnyddio pob cyfle posib i helpu i gyfleu ein neges nad oes yna unman mor groesawgar, mor hardd nac mor amrywiol â Gogledd Cymru i fwynhau cerdded a heicio."

Meddai Dewi Davies, Cyfarwyddwr Strategaeth Rhanbarthol Partneriaeth Twristiaeth Gogledd Cymru, y corff sy'n gyfrifol am ddatblygiad strategol yr economi ymwelwyr yng Ngogledd Cymru: "Mae Peter Hewlett a'i gydweithiwr Simon Logan o Cerdded Gogledd Cymru yn gwneud gwaith gwych a nhw yw hyrwyddwyr pennaf popeth sy'n ymwneud â cherdded ar draws y rhanbarth.

"Rhaid i ni sylweddoli pwysigrwydd cerdded i economi Gogledd Cymru.

"Rhaid i ni ymgysylltu â phob cerddwr, boed yn heiciwr difrifol neu'n deulu sydd ag awydd mynd am dro bach hamddenol ar hyd yr arfordir neu i

Yn y darlun o'r chwith mae Peter Hewlett, Cerdded Gogledd Cymru, John Ablitt, Awdurdod Parc Cenedlaethol Eryri, Simon Logan, Cerdded Gogledd Cymru a Dewi Davies, Cyfarwyddwr Strategaeth Rhanbarthol PTGC.





fyny bryn neu fynydd.

“Mae gan Ogledd Cymru gymaint i’w gynnig i gerddwyr ac mae’n bwysig ein bod yn dal eu sylw ac yn darparu cynllun busnes cynaliadwy i ddatblygu cerdded fel gweithgaredd hamdden i’r dyfodol.”

Aeth Peter Hewlett yn ei flaen i amlinellu cynlluniau’r gwyliau cerdded sydd i’w cynnal yng Ngogledd Cymru eleni.

Meddai: “Mae yna lu o weithgareddau a gwyliau cerdded yn digwydd ar draws Gogledd Cymru, y rhan fwyaf ohonyn nhw dan arweiniad tywyswyr proffesiynol, gwybodus a fydd yn helpu ymwelwyr i gael y gorau o’r profiad.

“Bydd rhai digwyddiadau, fel Gŵyl Gerdded Môn a gynhelir ym Mehefin, yn rhoi cyfle i dreulio

nosweithiau yng nghwmni haneswyr lleol, a chyfle i fwyta cynnyrch Cymreig lleol. Bydd lluniaeth ar gael yn y rhan fwyaf o lefydd a bydd rhai hefyd yn cynnwys ymweliadau â busnesau lleol.”

Ychwanegodd: “Mae harddwch godidog Eryri a golygfeydd trawiadol Betws-y-coed, gyda’i goedwigoedd emrallt a’r afon yn llifo’n gyflym drwyddo, yn sylfaen naturiol ar gyfer cerdded ond gallwch fwynhau cerdded ym mhob cwr o Ogledd Cymru, ac mae gan bobman rywbeth gwahanol i’w gynnig.”

Clywodd y fforwm hefyd gan Quentin Grimley o Gyngor Cefn Gwlad Cymru a roddodd wybod i’r cynrychiolwyr am y cynnydd wrth adeiladu Llwybr Arfordir Cymru.

Meddai: “Yn 2006 penderfynodd Llywodraeth Cynulliad Cymru ei bod am weld Llwybr Arfordir Cymru yn rhoi mynediad i bob modfedd o’r arfordir o amgylch Cymru, os oedd hynny’n bosib.

Bydd y llwybr yna’n barod erbyn 2012. Ond er bod rhai rhannau o’r llwybr eisoes yn bodoli o gwmpas Cymru, bydd y rhan gyntaf cwbl newydd, rhwng Gronant a Llandudno, yn agor i’r cyhoedd ar 1 Gorffennaf eleni.

“Bydd hyn yn rhoi hwb go iawn i Ogledd Cymru ac rwy’n siŵr y bydd yn denu llawer o gerddwyr newydd i’r rhanbarth, sy’n awyddus i gerdded y cyfan neu rywfaent o’r 26-milltir newydd.”

Am fwy o wybodaeth ffoniwch 01758 760532 neu ewch i www.walkingnorthwales.co.uk neu www.tpnw.org

